

Telemach BH d.o.o.

Sarajevo

Broj: 5030

Datum: 11-06-2023

MEMORANDUM O RAZUMIJEVANJU

Između

„Telemach BH” Društvo za pružanje usluga u oblasti telekomunikacija d.o.o. Sarajevo, sa sjedištem u Sarajevu, ul. Džemala Bijedića 216, Sarajevo, Bosna i Hercegovina, registrovanim kod Općinskog suda u Sarajevu sa matičnim brojem 65-01-0620-08 ("Telemach");

I

Univerzitet u Sarajevu - Elektrotehnički fakultet, sa sjedištem u ulici Zmaja od Bosne bb, Kampus Univerziteta u Sarajevu, Bosna i Hercegovina, ("ETF")

(Telemach i ETF u daljem tekstu su zajedno označeni kao "Ugovorne strane", a svaki od njih pojedinačno kao "Ugovorna strana")

Sarajevo, dana 08.03.2023. godine

Preambula

S OBZIROM DA:

- su ciljevi Telemach-a, između ostalog i promocija najnovijih istraživanja i ideja u području kompjuterskih nauka, informatičkih tehnologija, sistema upravljanja i komunikacijskih tehnologija;
- ETF u Sarajevu predstavlja prestižnu visokoobrazovnu instituciju kako na nacionalnom tako i međunarodnom nivou koja od ranih sedamdesetih godina prošlog vijeka promovira naučara dostignuća kroz organizaciju Međunarodne konferencije o informacijskim, komunikacijskim i automatiziranim tehnologijama (ICAT);
- su Telemach i ETF prethodne godine svoje višegodišnje partnerstvo proširili zajedničkom organizacijom i provedbom ICAT 2022., postigli zavidne rezultate i time kreirali preduslove za nastavak ostvarivanja zajedničkih ciljeva u navedenom području.

SADA, PREMA TOME, Ugovorne strane zaključuju ovaj memorandum o razumijevanju ("Memorandum" kako slijedi:

1. Podrška organizaciji međunarodne konferencije ICAT 2023

U ulozi generalnog sponzora, Telemach će podržati organizaciju međunarodne konferencije ICAT 2023., koja će se održati u Sarajevu, u periodu od 11. do 14. juna 2023. godine, kroz sljedeće aktivnosti:

- Direktnom novčanom podrškom u iznosu od 20.000 KM, kojim iznosom će se pokriti sljedeći specificirani troškovi organizacije konferencije:
 - Pokrivanje avionskih karti za gostujuće izlagače/predavače koji dolaze izvan BiH;
 - Troškovi obroka i pauza za učesnike konferencije u toku trajanja konferencije;
 - Troškovi organizacije gala večere za učesnike konferencije i VIP zvanice.
- Promoviranjem konferencije u medijima na lokalnom i regionalnom nivou, kroz PR i unaprijed dogovorene medijske kampanje;
- Organiziranjem stručnog panela u okviru konferencije, na kojem će, kroz predavanja i stručne radionice, uzeti učešće Telemach-a sa United Grupom i relevantnim stručnjacima iz oblasti tema koju će ugovorene strane unaprijed dogovoriti;

2. Ekskluzivnost

- 2.1. Potpisivanjem ovog Memoranduma, ETF je saglasan da generalno sponzorstvo Telemach-a isključuje mogućnost isticanja drugih sponzora iz oblasti telekomunikacija, odnosno konkurentskih kompanija koje se bave istom djelatnošću.

3. Pregovori u dobroj vjeri

- 3.1. Ugovorne strane su saglasne da će nastaviti pregovore, optimizirati i finalizirati sve detaljne uslove realizacije ovog Memoranduma i zaključenja potrebnih ugovora u dobroj vjeri, saradnjom i u razumnom vremenskom roku.

4. Mjerodavno pravo i nadležnost

- 4.1. Ovaj Memorandum i odnosi između Ugovornih strana biće regulisani i tumačeni u skladu sa zakonima Bosne i Hercegovine.
- 4.2. Ukoliko pravom BiH nije zabranjeno, svi sporovi koji proizađu iz ili u vezi sa ovim Memorandumom biti će rješavani sporazumno, a ukoliko se ne postigne sporazum, sporni odnos/pitanje će biti konačno riješen pred Općinskim sudom u Sarajevu.

5. Ostale odredbe

- 5.1. Ništavost ili neizvršivost bilo koje odredbe ovog Memoranduma neće uticati na punovažnost ili izvršivost ostalih odredbi ovog Memoranduma na bilo koji način. Ukoliko bilo koja odredba ovog Memoranduma bude proglašena ništavom ili neizvršivom, takva odredba biće zamijenjena punovažnom i izvršivom odredbom koja odgovara svrsi odnosno ništave, odnosno neizvršive odredbe.
- 5.2. Izmjene i dopune ovog Memoranduma obavezivat će Ugovorne strane jedino ukoliko su učinjene u pisanoj formi i potpisane od svake Ugovorne strane.
- 5.3. Ovaj Memorandum je zaključen na jeziku koji je u zvaničnoj upotrebi u BiH.

Sarajevo, dana 08.03.2023. godine

Za Telemach:

Direktor Admir Džinić

Za ETF:

Prof. dr. Jasmin Velagić, dekan

Bc.02-710/23

08-03-2023